



ლაგოდეხის მუნიციპალიტეტის გამგებელი

ბრძანება

№109

2016 წლის 10 თებერვალი

ქ.ლაგოდეხი

სამხედრო სავალდებულო სამსახურში მოქალაქეთა 2016 წლის საგაზაფხულო გაწვევის შესახებ

საქართველოს ორგანული კანონის „ადგილობრივი თვითმმართველობის კოდექსის“ 54-ე მუხლის პირველი ნაწილის „ე“ პუნქტის „ე.ე“ ქვეპუნქტის, საქართველოს კანონის „სამხედრო ვალდებულებებისა და სახედრო სამსახურის შესახებ“ 22-ე, 24-ე მუხლის და საქართველოს მთავრობის 2016 წლის 2 თებერვლის N 46 „სამხედრო სავალდებულო სამსახურში მოქალაქეთა 2016 წლის საგაზაფხულო გაწვევის შესახებ“ დადგენილების შესაბამისად

ვბრძანებ:

1.1989-1998 წ/დ ჭაბუკთა საქართველოს სამხედრო ძალებში გაწვევა განხორციელდეს 2015 წლის პირველი თებერვლიდან 2016 წლის 30 ივნისამდე.

2.საქართველოს სამხედრო ძალებში გაწვეულ იქნას 1989-1998 წ/დ წვევამდელეები, რომლებსაც არ აქვთ გადავადება სამხედრო სამსახურში გაწვევისაგან ან განთავისუფლების უფლება.

3. „სამხედრო ვალდებულებებისა და სამხედრო სამსახურის შესახებ“ საქართველოს კანონის 24-ე მუხლის მოთხოვნებიდან გამომდინარე შეიქმნას „სამხედრო სავალდებულო სამსახურში მოქალაქეთა 2016 წლის საგაზაფხულო გაწვევის გამწვევი კომისია“ დანართის შესაბამისად.

4.ლაგოდეხის მუნიციპალიტეტის ტერიტორიაზე მცხოვრები 18-დან 27 წლამდე ასაკის მოქალაქეები საქართველოს მთავრობის 2016 წლის 2 თებერვლის „სამხედრო სავალდებულო სამსახურში მოქალაქეთა 2016 წლის საგაზაფხულო გაწვევის შესახებ“ დადგენილების ძალაში შესვლის დღიდან, ვალდებულნი არიან, გამოცხადდნენ ლაგოდეხის მუნიციპალიტეტის გამგეობის „სამხედრო აღრიცხვის, გაწვევის და მობილიზაციის სამსახურში“, გამოცხადებულ უწყებაში აღნიშნულ დროს.

5.ლაგოდეხის მუნიციპალიტეტის გამგეობის „სამხედრო აღრიცხვის, გაწვევის და მობილიზაციის სამსახური“ ვალდებულია, სამედიცინო კომისიაზე გამოცხადებული, სამხედრო სამსახურისათვის ვარგისი და გაწვევას დაქვემდებარებული წვევამდელეები გადაიყვანოს საქართველოს შემკრებ - გამანაწილებელ პუნქტში წვევამდელთა გამოცხადების გრაფიკის მიხედვით.

6.დაევალოს შ.ს.ს. ლაგოდეხის რაიონულ სამმართველოს, აღმოუჩინოს დახმარება ლაგოდეხის მუნიციპალიტეტის გამგეობის „სამხედრო აღრიცხვის, გაწვევის და მობილიზაციის სამსახურს“ იმ წვევამდელეების მოძებნასა და სამედიცინო კომისიაზე გამოცხადებაში, რომლებიც თავს არიდებენ სამხედრო სავალდებულო სამსახურს.

7.დაევალოს ლაგოდეხის მუნიციპალიტეტის გამგეობის „საფინანსო-საბიუჯეტო, ჯანდაცვისა და სოციალურ საკითხთა სამსახურის“ უფროსის მოვალეობის შემსრულებელს გია

კუდაშვილს, გაითვალისწინოს მუნიციპალიტეტის ბიუჯეტიდან სათანადო ფულადი სახსრების გამოყოფა გაწვევის ჩასატარებელი ღონისძიებების დასაფინანსებლად.

8. ბრძანება ძალაში შედის ხელმოწერისთანავე.

9. ბრძანების გასაჩივრება შესაძლებელია გაცნობიდან ერთი თვის განმავლობაში გურჯაანის რაიონულ სასამართლოში, შემდეგ მისამართზე: ქ.გურჯაანი, სანაპიროს ქ. №22.

გამგებელი:



ქოლოჯამბურია